

LLYWODRAETH CYNULLIAD CYMRU

DEDDF Y CYMUNEDAU EWROPEAIDD 1972

RHEOLIADAU CYNHYRCHION SY’N DOD O ANIFEILIAID (MEWNFORION TRYDYDD GWLEDYDD) (CYMRU) 2007 (DIWYGIO)

AWDURDODI MEWNFORIO CYFFREDINOL

Mae Gweinidogion Cymru, drwy’r awdurdodiad hwn a gyflwynir yn unol â thelerau Rheoliad 4 Rheoliadau Cynhyrchion sy’n dod o Anifeiliaid (Mewnforion Trydydd Gwledydd) (Cymru) 2007 (diwygio) yn awdurdodi cludo i Gymru’r cynnyrch canlynol, yn amodol ar ac yn unol â’r amodau a bennir isod:

Llaeth sydd wedi’i drin â gwres uchel (UHT) neu gynhyrchion llaeth y bwriedir eu defnyddio at ddibenion addysgiadol, gwaith ymchwil, ac amgueddfeydd

Cynnyrch

o

Wledydd a restrir yng nghlofn B Penderfyniad y Comisiwn 2004/438/EC (fel y’i diwygiwyd/disodlwyd)

Gwledydd y
tarddiad

wrth

y ffin rhwng Cymru a Lloegr

Mannau
mynediad

hyd nes ceir rhybudd pellach neu hyd nes i Weinidogion Cymru ddiddymu’r awdurdodiad.

Dyddiad: 2 Mawrth 2009

Swyddog yr Adran Materion Gwledig
Llywodraeth Cynulliad Cymru

Yr amodau sydd ynghlwm wrth yr awdurdodiad hwn

1. Mae'r awdurdodiad hwn yn ddilys ar gyfer llwythi lluosog, ac ni all pwysau net y cynnyrch a fewnforiwyd fesul llwyth fod yn fwy na 15 kg.
2. Mae'n rhaid i bob llwyth gynnwys y canlynol:
 - copi o'r awdurdodiad hwn
 - dogfennau cludo yn nodi enw a chyfeiriad y sawl sy'n anfon y llwyth, y sawl sy'n ei dderbyn, enw'r cynnyrch a faint sy'n cael ei anfon;
3. Mae'n rhaid i bob llwyth gynnwys datganiad (gweler nodyn i) a lofnodwyd gan filfeddyg neu gyfarwyddwr y labordy/sefydliad allforio yn cadarnhau:
 - **nad** yw'r cynhyrchion yn dod o anifeiliaid sydd wedi'u heintio, neu sydd o dan amheuaeth o fod wedi'u heintio â phathogen sy'n achosi clefyd hysbysadwy y gall yr anifeiliaid ei ddal yn ôl deddfwriaeth Ewropeaidd* neu yn ôl deddfwriaeth iechyd anifeiliaid y wlad sy'n allforio;
 - nad yw'r cynhyrchion yn dod o anifeiliaid mewn safle neu ranbarth neu barth gwlad sy'n destun cyfyngiadau swyddogol oherwydd clefyd hysbysadwy y gall yr anifeiliaid ei ddal yn ôl deddfwriaeth iechyd anifeiliaid Ewropeaidd neu genedlaethol arall;

*Cyfarwydddeb y Cyngor 82/894/EEC 21 Rhagfyr 1982 (fel y'i diwygiwyd) ar hysbysu am glefydau anifeiliaid o fewn y Gymuned.

 - bod y llaeth wedi'i drin â gwres hyd at o leiaf 135°C am o leiaf un eiliad;
4. Mae'n rhaid labelu'r deunydd pacio yn glir er mwyn nodi rhif awdurdodi cyffredinol y cynnyrch a fewnforiwyd. Dylai'r label nodi hefyd bod y deunydd i'w fewnforio i'r Deyrnas Unedig at ddibenion ymchwil.
5. Mae'n rhaid cadw'r cynhyrchion yn eu deunydd pacio gwreiddiol bob amser nes eu bod yn cyrraedd safle'r gyrchfan.
6. Mae'n rhaid cludo pob pecyn yn uniongyrchol o'r mannau mynediad i'r DU i safle'r gyrchfan.
7. Ni ddylai'r llwyth na'i ddeunydd pacio ddod i gysylltiad ag unrhyw anifeiliaid cnoi cil, moch, dofednod neu geffylau.
8. Ni fydd unrhyw un o'r cynhyrchion y mae'r awdurdodiad hwn yn cyfeirio atynt yn cael eu bwyta gan bobl o dan unrhyw amgylchiadau.
9. Ar ôl cwblhau'r profion, mae'n rhaid i unrhyw weddillion o'r cynnyrch a'r hyn sy'n weddill o'r deunydd pacio gael eu llosgi'n ulw mewn safle sydd wedi'i gymeradwyo i waredu sgil-gynhyrchion anifeiliaid (gweler nodyn cyffredin 4), eu hawtocio neu eu hail-allforio (gweler nodyn cyffredin 7).

10. Os oes clefyd hysbysadwy/addroddadwy yn datblygu yn y wlad/gwledydd allforio, gall amodau'r awdurdodiad hwn newid. Os yw hynny'n digwydd, dylech gysylltu ag lechyd Anifeiliaid yn y cyfeiriad isod. I gael gwybodaeth am glefydau anifeiliaid ewch i: <http://new.wales.gov.uk/topics/environmentcountryside/ahw/disease/?lang=cy>
11. Os yw'r cynnyrch yn cael ei gyflenwi i sefydliad arall, mae'n rhaid i'r mewnforiwr hysbysu'r sawl sy'n ei dderbyn am yr angen i ddinistrio neu ail-allforio gweddillion y cynnyrch (gweler nodiadau cyffredinol 4 a 7).
12. Defnyddir cynhyrchion sy'n cael eu mewnforio o dan yr awdurdodiad hwn at ddibenion ymchwil, addysg neu amgueddfeydd yn unig. Mae'n rhaid i bob parti sy'n trin y cynnyrch gadw trywydd cofnodi/archwilio cyflawn. Ni ellir cyflenwi cynhyrchion i drydydd parti fel trafodyn masnachol o dan unrhyw amgylchiadau.
13. Os na allwch gydymffurfio ag amodau'r awdurdodiad ar unrhyw adeg; neu os canfyddir unrhyw bathogen anifeiliaid didrwydded yn y cynnyrch a fewnforiwyd, rhaid atal y gwaith ar unwaith a hysbysu'r Swyddfa lechyd Anifeiliaid leol yn syth. <http://www.defra.gov.uk/animalhealth/about-us/contact-us/search/>
14. Mae'r mewnforiwr yn gyfrifol am sicrhau bod yr unigolyn/unigolion sy'n anfon y cynnyrch i'r DU yn ymwybodol o amodau'r awdurdodiad hwn.
15. Mae'n rhaid i chi hysbysu'r Swyddfa lechyd Anifeiliaid leol os ydych yn bwriadu defnyddio'r awdurdodiad hwn (gweler nodyn cyffredin 8).
16. Dylid sicrhau bod unrhyw gynnyrch ac unrhyw gofnodion sy'n ymwneud â'r cynnyrch a fewnforio o dan yr awdurdodiad hwn ar gael i'w harchwilio gan Swyddog lechyd Anifeiliaid os oes angen mewn lle a enwir ganddo. Bydd y mewnforiwr neu ei asiant yn rhoi'r holl gymorth sydd ei angen ar y swyddog, fel y gall archwilio'r cynnyrch fel y gwêl yn dda. Y mewnforiwr fydd yn gyfrifol am gostau archwiliad o'r fath.

NODIADAU

- i. **Gweler y ddolen hon am arweiniad a thempled y datganiad.**
- ii. Cyfrifoldeb y mewnforiwr yw sicrhau bod yr allforiwr yn darparu'r datganiad gofynnol y cyfeiriwyd ato uchod.
- iii. Mae trwydded ar wahân ar gael ar gyfer mewnforio llaeth neu gynhyrchion llaeth o wledydd yr UE. Os yw'r cynnyrch rydych am ei fewnforio o Aelod-Wladwriaeth arall wedi'i gynhyrchu yn unol â deddfwriaeth Sgil-gynhyrchion Anifeiliaid (Rheoliad (EC) Rhif 1774/2002 fel y'i diwygiwyd), gallwch ei fewnforio o dan drwydded IMP/GEN/2009/03, neu os yw wedi'i gynhyrchu yn unol â rheolau Hyllendid yr UE ac os yw'n addas i'w fwyta gan bobl, gallwch ei fewnforio o dan drwydded IMP/GEN/2009/02.
Mae copïau o'r trwyddedau hyn ar gael ar y wefan:
<http://www.defra.gov.uk/foodfarm/animaltrade/imports/licences/index.htm>
- iv. Os ydych chi am fewnforio llaeth neu gynhyrchion llaeth o wlad na restrir uchod, dylech gyflwyno cais am awdurdodiad i lechyd Anifeiliaid yn y cyfeiriad isod.

NODIADAU CYFFREDINOL

1. Nid oes unrhyw beth yn yr awdurdodiad hwn a fyddai'n eich eithrio rhag unrhyw waharddiad neu gyfyngiad a orfodir gan unrhyw ddeddf arall, gan gynnwys: Rheoliadau Rheolaethau Swyddogol ar Fwyd Anifeiliaid a Bwyd (Cymru) 2006, darpariaethau Deddf Diogelwch Bwyd 1990 a'r Rheoliadau a gyflwynwyd yn ei sgil, Rheoliadau Sgîl-gynhyrchion Anifeiliaid (Adnabod) 1995, Rheoliadau Awdurdodi Marchnata Cynnyrch Meddyginiaethol Milfeddygol 1994, Rheoliadau Rheoli Sylweddau Peryglus i Iechyd, y Gymdeithas Trafnidiaeth Awyryngwladol, y Confensiwn ar y Fasnach Ryngwladol mewn Rhywogaethau mewn Perygl neu unrhyw reoliad sy'n disodli neu'n diwygio'r uchod.
2. Rhoddir yr awdurdodiad hwn o dan ddeddfwriaeth fewnforio sy'n ymwneud ag iechyd anifeiliaid ac nid yw'n eich eithrio rhag gwaharddiad, rheoliad na chyfyngiad a roddir gan Adran o'r Llywodraeth neu Asiantaeth arall.
3. Mae amodau'r awdurdodiad hwn yn gyfredol adeg ei gyhoeddi, ond mae amodau awdurdodiad yn gallu cael eu newid yn aml a chynghorir mewnforwyr i holi'r Tîm Mewnforio Iechyd Anifeiliaid am y sefyllfa ddiweddaraf (gweler isod).
4. Mae rhestr o safleoedd llosgi'n ulw cymeradwy ar gael ar wefan DEFRA:
<http://www.defra.gov.uk/foodfarm/byproducts/incinerators/index.htm>
5. Mae gwybodaeth bellach am fewnforio Pathogenau Anifeiliaid Penodedig ar gael ar wefan Defra yn: <http://www.defra.gov.uk/foodfarm/farmanimal/diseases/pathogens/index.htm#list>
Mae copi o Orchymyn Pathogenau Anifeiliaid Penodedig (Cymru) 2008 ar gael ar y wefan ganlynol: http://www.opsi.gov.uk/legislation/wales/wsi2008/wsi_20081270_en_1
6. Mae'r awdurdodiad hwn yn ymwneud â chynhyrchion anifeiliaid yn unig. Os ydych chi am fewnforio anifeiliaid byw o'r rhywogaethau a restrir uchod, dylech gysylltu ag Iechyd Anifeiliaid yn y cyfeiriad isod.
7. Os yw'r cynnyrch yn cael ei ail-allforio, dylech sicrhau bod y wlad sy'n ei fewnforio yn caniatáu hynny a bod gennych y gwaith papur priodol ar gyfer y llwyth.
8. Mae'r trefniadau hysbysu'n destun arolwg ar hyn o bryd a gallent newid. Darllenwch y canllawiau i weld y drefn bresennol.

RHYBUDD

Cyfrifoldeb y mewnforiwr yw sicrhau bod unrhyw beth a fewnforir sy'n perthyn i'r awdurdodiad hwn yn cydymffurfio â'r amodau a'r telerau fel y'u nodir.

Os ydych yn torri unrhyw un o'r amodau sy'n gysylltiedig â'r awdurdodiad hwn, byddwch yn troseddu yn erbyn Deddf Iechyd Anifeiliaid 1981.

MANYLION CYSWLLT I GAEL GWYBODAETH BELLACH

Swyddfa Ranbarthol Iechyd Anifeiliaid
Tîm Mewnforio Iechyd Anifeiliaid
Beeches Road
Chelmsford
Essex
CM1 2RU

Ffôn: 01245 454860
Ffacs: 01245 351162
e-bost: APIChelmsford@animalhealth.gsi.gov.uk